

今白華堂詩錄補

今白華堂詩錄補卷三

古體詩

蕭壽山提軍

福祿

招飲雙桂堂和李石泉觀察

可瓊

韻

星門鼓吹喧下輿手相捧冠佩羅西堂春風樺燭動肴烝
遞燔炙法醞閒酪漣三雅薦不辭百觚引彌勇雄談遂飄
發憤氣忽濤涌西陲傳烽火羽書達秦隴甕雞敢跳梁垤
蟻竊鑽空元戎百戰身刀瘢頂及踵猶將率虎螭一往埽
蟻螻君才本嚴徐時策亦晁董兵機鬪縱橫軍務度倥偬
列座聽者懾避席立還拱是時庭月落寒星搖繡棋招搖

指天西旄頭蓋雲擁天將當已臨揚威答 恩寵且須禁
酒渴哈密瓜啐啐拔劍向前斫大笑吞逆種送賓猶拍張
出門餘曲踊統如鼓三嚴歸路吟肩聳

題文衡山畫

山人乘月入山去暝色照開天欲曙秋心恍惚似飛煙祇
在竹喧蓮動處回頭石罅聲潺潺還我平生水石寰囊得
龍腰向山閣今宵琴韻滿秋山

朱詠齋學使

士彥 試畢見過

視學礪正人檢繩若子弟誰其植我胡尙書

謂希呂先生

今日

江南尙垂淚視學引通彥商榷如友朋誰其閱我阮宮保

日前浙士爭超騰詠齋先生瑚璉質人師經師此兼職居
阮公鄉胡公門兩公之心在胸臆古人入學夏楚陳今以
爲辱驚且瞋古人設學書算備今苦其煩嗤瑣碎遑知一
傳遭眾咻且欲登我湖上樓春風自來三月暮舊雨同話
長安秋人生會合真偶爾明日雲槎一帆駛公道難沒辭
敢諛虛懷見訪意良美安得冰心貯玉壺長照樓前半湖
水

張雙湖表兄於扇頭畫松風圖屬題

方麴無徑尺縱橫生萬松須臾蓋墨暈虬龍盡潛蹤長風
揮揮神筆勁滿紙颼颼吹面醒并忘繪影但繪聲吾欲耳

視以目聽

隋隄柳

隋隄柳宮人惜攀折三千殿腳分春風廿四橋頭共明月
一從板渚水痕枯枝上年年啼夜烏玉鉤斜畔煙如黛
得當時眉意無

輓同年汪小竹觀察

全德

空山寂坐正憶君家僮驚告得異聞咄哉怪事那有此天
生此人忽教死君才夙輕敏束髮劇跳盪小宋與小蘇此
生誓不讓國學昔稱狂少年我亦聞名竹閒望雙眸覺有
神珠馳一瞥驚非壽者相是時君不我知又閱六載同登

春榜乃見之笑言舉止本持重嚮以不狂爲狂毋乃癡我
從都水徙金部君繇翰林躡蘭署出沒如參商十年肝膈
未暇一傾吐樞垣偶接依烏星炯炯精光向秋曙一彈指
閒各持節歲月如波音問絕政聲相聞印以心流言不信
意難說西江之水徹地清照見旌旄攝百城閩粵咽喉一
關控緩帶春風息羣動甲申三月初虔州八境臺相逢一
握手雲水兩徘徊今年密語相往來赤心其對榴花開
聖主側席方需才期君諒在鹽與梅古人形相篇變化本
神志况君盈盈公府步雖目皮相猶所器辭倚廬駕星輶
交親拭眼瞻雲霄誰知戀闕心飛入雲鄉遙嗚呼人生

位業安可定未必老壽全豐卽佳命草草半百年文章經
濟千載之事亦云竟我知其如此胡爲重哀歌不獨繫我
哀蒼生有涕應滂沱嗚呼生才不惜才天實爲之謂之何

丹陽道中

雲陽我三至今來適歲徂風寒白日淡夕鳥相喧呼道上
轂鯨車市中鬱律符對此感行役燈火已前途遙隄高過
城望望愁難逾欲尋曼卿墓酌酒傍菰蘆

題白湖竹枝詞 葉琴樓和其世父艾庵學博

聲聞

作也合原唱刻之

湖山縱清好地僻無人知豈乏釣遊徒不吟空爾爲句章

鳴鶴鄉杜白湖名垂千載惜寥寂志乘無一詩白湖斗然
顯生面誰開之竹林兩葉君後響先聲隨有若二謝出山
水今方滋光祿淡宕人吟窩湖之湄一彈淥水調湖光上
鬢眉萬象在其旁盡寫入竹枝枝枝疊新舊傳唱音參差
漁樵不解辨但云葉家詞吾廬月湖畔洲島開曩時龍圖
自慈來風雅迭主持鄰輝至今借前哲胡能追嬾堂或可
做願就營茅茨煙水但入夢難滌衣塵緇憑君一門秀輝
映無窮期

題馮雲伯太史

登府

柳界勘書圖

唐朔熹平見學派說文試士經猶訛張參龜鏡世罕繼開

成以下當如何小長蘆中石經閣深柳暗室春煙拖竹翁
隔窗通警欬石交就席歸礪磨未覺鴻都去人遠但恨淡
長不我過魏唐蜀宋故殊喙鉤考斷決無媿要名山業成
始釋褐遂令經術崇鑾坡我朝表章越前古太學朗耀
義與娥鴻生鉅儒有述作更攝眾異歸同科嚴徐妙選此
才副洪黃微學功孰多昨者宦程轉閩嶠壓裝架版充行
窩坨南小築幸無恙翰林風月紛煙蘿正始三體助跌宕
泉明五株同婆娑吾甬經傳惜老輩斯事著錄猶蹉跎輟
饑異文雙韭證比時眇說非有他先生肯來主郡學披胸
共覩羣星羅月湖舊亦講經地柳汀新構方巍峩荒塗榛

關我所跂印本學守誰爲訶解字九千願茲始經流一導
通餘波

誌異

杞人憂天不憂地

姜湛園句

謾語先生勿吾戲側身天地憂無

窮有耳况教聞怪事冀北土厚真神皋磁隰汾晉聯首尻
神股豫東備全體霎時磔裂哀靈鼈一闢翕閒脈隆起萬
屍橫塞土囊裏猶餘齒豁散浮埃突出餓豺裼膏髓餓豺
飄忽追無蹤髣髴神語呼神蟲馬燐鬼火慘星野哭聲啾
啾千里空嗚呼地震史頻載不識生靈罪安在何况浩劫
淪茫茫洪荒以前此其再我聞歷陽之沈湖水盈水土相

汨咎五行又聞長平之阮恨未已作孽都由白豎子遭時
今昔良殊科百川方理庶政和衽席同登卜仁壽泥沙底
事逾恒河嗚呼此理旣難測何地堪容免愁戾我欲挂席
凌東瀛不然且泛元真宅

題張止菴先生待漏圖卷 先生名洪字宗海常熟

人前明修撰甯紹台道子和觀察燮之族祖也觀察

孫芙川屬題

止菴先生生自空桑中一生奇絕無論窮與通忽然荷戈
忽持節中間曾奮電光舌天遣書生定百蠻萬里西南鹵
塵滅窮邊大海迴翔久虎狼蛟鯨各俯首歸謁金門堪拂

衣翰林事業如公稀問公何能恣蹠蹠公之立身如立嶽
蹤迹四荒心六經漢使功名宋儒學乃知橫驚非奇才才
到能奇品先卓姓名記入王洪傳見曝書亭集五百年來驚識
面想見朱衣象笏趨朝時白頭風采傾華夷手述淵源溯
聖涯卷中有手書所著經傳各序錄銀鉤盤屈認龍拏風流文采三吳盛
似此清芬能幾家

秋湖競渡歌

傷遊戲殺人也

湖上雲覆我檐湖上樹篩我簾清晝寂歷神魂恬一湖忽
鼎沸鉦聲鼓聲水聲人聲兼開簾不敢面湖立天矯羣龍
勢爭入朱旗翠蓋空中颺御龍者誰將軍康龍來兮衙衙

龍去兮翩翩龍鬬兮一河怒龍戲兮一河顛近兮若蜈蚣
卻行促紙上之繁響遠兮若蜥蜴驚竄畫缸面之微瀾白
雨飛飛兮爭倒射洲島岌岌兮不得安龍乎爾何來來自
城南社六艘千畫楫聊當將軍馬年年操楫習鉦鼓人人
按節婆娑舞聞道去年有一人竟學孝女曹娥父曹娥父
死非愚弔忠有願從三閭三閭本從彭咸之所居我欲懇
將軍詰此邦將軍初不類正則此邦何事同羅江豈不知
競渡遺風徧海內節過端陽毋乃贅鄉老史直翁八月爲
親娛沿及九秋亦非故徒使溺人一笑心模糊吁嗟我一
歌湖風秋瑟瑟百日之蜡一日澤誰念窮嫠哭今日君不

見遊人多在虹橋上四面樓窗紅粉出

題周忠介公

順昌

書應著作三叟詩卷

正人文字業亂世天地心明季講學儒潛陽錮重陰消息
黃鐘管時憑毫素尋忠介書此詩室慾葆清醇歿壽豈所
知惟用質影衾庸賢有傳作不錄壽翁吟忘情學草木公
固非其人時值百度乖動違三叟箴經世旣素抱感時亦
精忱搖筆山嶽動斂容神鬼欽借斯明志節臨患能遺身
顧高驗合軌文姚叶同音迅雷一奮鬪璫禍息古今千載
大義揭不共神州沈嗟彼關允徒與奄相依因平生竟何
守但逐淫哇淫焚香對此卷元氣流胸襟如何講學風闐

若懲東林

勺園圖爲馮雲伯題

我歸十載無園林強顏自號林下人臥遊往往借圖畫勺

園一月娛青春

是圖置齋頭展玩逾月矣

勺園主人計何早夢醒遊仙

失蓬島出山祇戀在山泉滿腹他年草堂稿王郎筆端走

石瀨生面獨開鷗世界水村一幅趙王孫瀟湘八景宋員

外

圖析詩題爲八

憑教容易賦遂初廉吏豈免愁飢驅往歲閩谿

今甬上斯園安在空斯圖卷裏吟篇各清絕神往柴桑誌

高潔黃

左田書農尚書胡學士

勸君獨有意一出端須究名實不見

銅章幾輩稱時賢飛鳧直上仙乎仙轉瞬林泉擬獨樂賞

心樹石皆平泉問君何爲耽冷宦

時改授甯波府教授

涉想煙霞亦

虛幻打頭學舍長羈縻腰雖未折頭已低熊魚得兼舍弗
取大嚼屠門恐無補君笑不答如有待但促題詩付懸解
題成惆悵送圖返轉約登臨小樓在酬君一勺頗有餘樓
南月湖東大海

寰海靖平圖爲會靜齋署提軍

大觀題

金鼇頂上天人姿樽桑曉色開鬢眉澄清志略秘不得寰
海一日聲名馳太平偃武還奮武際會雲龍與風虎手中
書卷胸甲兵入直明光出開府屢從太末涖甬上萬里滄
溟一砥柱孟冬霜氣清浹江

指辛卯十月

軍門號令嚴於霜晉

鼓發曙金戈縱鯨波帖帖橫壘梁隱見浮萍幾島嶼駛駮

紅旭千旌幢中權大纛雲霞映緩帶從容指揮定遙瞰諸

疆逮纛服一鏡青銅極天淨歸來語我如指掌舊作一圖

憑想像

余尙未見圖也故云

圖中之意我能識不主掄揚寓籌策憶

昔蜃窟起孫恩涓涓誰塞江河源周防每爲清晏弛坐見

逆浪成掀翻信國

明湯信國

旌旗不輕出梅林

胡梅林宗憲

幕府空

復尊將軍之來足坐鎮將軍涉險何奮迅嚴城有席未暇

暖到卽蓮洋起雲陣握奇演盡鼉怒息海若天吳俱率職

蓬瀛便道神仙居埽淨塵氛賴威力吁嗟乎丈夫得志當

如斯乘風破浪猶無奇世上如君能幾輩不負科名副

主知爲占麟閣圖形日卻憶龍門燒尾時

議籌海防不得行感憤有作

昔余歸自嶺海每恨望遠不察形逞彼勾妄爲所給區區
窮島聞中華視之奚啻大百倍況彼所利祇礮艦陸地難
施利安在但令運韜鈴足使憚菹醢我昔戒輕言失今不
言更安待

籌思誰可言置酒招觀察提軍亦歸來一席雄談相激發
江頭列帳弓刀環二騎並臨或可鎮羆貔羆貔性殊險猾
傲然上座若無人何以處之計惟殺

我誠衰拙爲棄物豈於世事無相關署名公牘達撫部率

先戒備奚辭難撫部有報書似恐開兵端噫吁嘻雲臺議
此還偷安但倚三階正不愁萬國翻他日請君念我則亦
旣言

碧堦耕讀圖歌爲戴壽伯

萬年

作

有田可耕書可讀人生萬事奚不足相招況有異代賢三
百年來共書屋文星當日投南荒開闢蠻天青一握猶聞
蒼洱懸舊樓蒼山第十五峯前洱水之旁有楊升菴寫韻樓可使碧堦閑深谷君
耽著述更懷古重瀝醅醕潤山淥升菴晚年著談苑醍醐茲山先後
遭才人天爲山靈勤表襮閒領夔夔稱農師鋤影帶雲出
林麓不知曩昔丹鉛餘可得分塍莩菽粟君才但恐難自

閱萬里雲天一黃鵠子舍助演陰符經

壽伯爲健亭提軍
長嗣隨任來浙

餘事詩壇樹大纛時來會見勒鐘鼎歲寒惟思隱松竹平生志願知無他博洽名須一代獨不見狀元宰相子紛紛銷盡餘煙速斯人百代遙相望入畫翠螺若新沐

坐看雲起圖爲吳江趙眉山題和韻

浮雲世上多行客山閒少淡宕出岫姿注目獨山鳥君從何處來杖策入深窅谿響猶在耳仙心已雲表山氣石罅穿一白涵樹杪雲起將安之寥廓恣奔擾萬變劇飛揚四馳入縹渺爲霖與蔽日終古勢難了雲出何時歸縱歸非故嶮念此吾悵然君意殊悠藐藉草便跣跣面壁忘昏曉

人與雲俱閒對影憐嫋嫋須臾松風吹飄然任騰矯出處
兩無心長空但青杏欲誦摩詰詩回首林霏悄

贈董小韭明府

瀾

學成推醇儒宦成列循吏人生奚所樂出處兩無愧緬昔
樛菴門高座幾人寘經傳晚屬君文筆析奧義士論歸首
選不憑有司試鯨力開滄溟兩闡果拔幟骹骹當時刊科
律至今界聖世重吏才牧民儒者事捧檄雖逡巡敢目
淡榮利一泣夷夏交再躡輔雄地虞詡有盤錯文翁但飭
厲南北輿情偏從風了無異方馳岳牧章共拭瑚璉器揮
手謝當途輜德期少累一棹千頃波鷗盟喜終遂卻聞陳

仲弓淳化里還被期頤何待祝延年在樂志

聞其七十請生朝將近

爲壽寓頌斯人乃人瑞

署郡守王寶橋司馬

德寬

見過爲賦庭中雞冠花依

韻奉和

垂垂纓絡來仙靈
戔戔絳幘排空庭
淩風欲飛飛不得
泣露籠煙玉階側
粵中吐綬難同價
秦中陳寶此其亞
有時若闕西風前
傑句欲倩韓孟聯
有時若網絲窠裏
養到疑愚紀消子
我覺此花名尙賤
直擬雲蒸與龍變
雞蟲得失興世忘
花草精神合丹鍊
鳳仙嬌小何足誇
鴈來紅亦輸紅
赧兆君丹頂加冠
日此花便同旌節
花

東敬齋中丞

烏爾恭額

時駐招寶山

赤雲下日腳杖策西郭郵眼穿望大旂時危急良籌長川
消息斷徹夜徒煩憂曉聞津吏傳改道趨下游郡城失大
府浹江餘小舟節鉞任重寄聲威繫方州挺身良勇決單
騎何緣由軍門祝彪延彪軍令不肅莫振千貔貅烏道隱軒蓋
鯨穴橫戈矛山下時有賊艇可堪恃威遠山頂戍樓直慮衝咽喉
瘋孺方慘黷兵略須綢繆何當來駐郡開幕延參謀老我
縱衰謝爲君賦同仇虛實鬼能瞞式慎固爾猶

海警復起紀事

寇退輒解嚴節旋若奏凱螺門俄舉鋒賊刃再礪乃越石

失清剛築壇虛左待新帥銜使命

江蘇裕中丞

意氣視前倍奮

揚霹靂衆結束獅子鎧徑趨大漠東壘壁冠巋一鶚投
樊籠立命作菹醢顧謂人毋憂長城惟我在長城信所倚
重固庶無悔先穀嘲非夫或虞此師殆

矯矯三總戎

葛鄭王

自命百夫防檄調戍海國春首飛艖

榮陽我曾晤論兵髯戟張深咎議和失此去定無恇鬼蜮
近藉口復仇肆猖狂

以礫其首故

鎮定相犄角孰云不可當

郡城一巨鎮無實同空螯守令隨軍營供輸紛繹騷早覘
大帥疏自陳殺賊勞擢筋爲馬韁壯語承 天褒趨風獻
籌策邀功覲旌旄沈江鐵鎖侔木石運萬艘日夕董夫役

注目觀秋濤曷顧根本地先令雉堞牢

危城海上懸飛礮六晝夜諸將同心肝黠虜極機詐出沒
波濤間緣巖暗乘罅羽書屢請援不見一兵借力盡爲國
殤張參握空弮敗聞達帥營堅壁似示暇陽恃虎貔列陰
狻猿鶴化舟山竟再覆連城亦恐下始時何勇銳今祇賸
驚怕

郡守倉皇來帥命亟諮訪喋喋憑嗇夫謂可羣力仗登陴
恃刑毆沿門索丁壯誰能固衆志圖竄氣先喪江頭萬帳
屯撤回足保障帥意誓不移死此報

主上臨江邀賜祠庶顯將門將嗟哉柱石臣乃矢溝瀆諒

八月二十六日鎮海亦陷郡中傾城避難

金雞山頭白日昏沙石欲挾驚濤奔鬼兵掩至高壘墮迅
霆轟失全軍魂郡中議守舌已敝遷延總爲儲胥計今朝
約共須登陴驀地東門傳晝閉座客倏散不可呼出門亂
走如飛鳥追蹤塵起眯我目老稚牽牽填街衢就中達官
微服廁對我不禁橫涕泗爲言上帥昇傷歸狂寇尾追已
將至須臾相失遭橫衝衆勢潮湧難停蹤麻鞋奮步向西
郭望門投宿幸我容敲枕愁思過夜半城上啼鳥聲不斷
起視天容若醉餘蚩尤塞空雲月亂

營蝸寄室

牛屋及豕牢占此三弓地牛豕一以去遂興埽除事流惡
借鄰溝通明撤瓦蔽土圭度朝夕槿籬隔外內妥帖安素
几縱橫列文笥紅欄掩蔽斜綠窗排取次主僕數日忙囊
橐一金費奚但避雨風聊亦備賓祭既成加聖飾顏楣曰
蝸寄人生但如蝸所居得自遂正恐值離亂暫構還復棄
坐思宇宙寬堪容幾遷避

兒輩爲余營生壙於先塋之側旣成誌慰

表聖自爲冢壙中足遊宴近人稍效之雅非吾所諷或尊
郭氏書苦爲術家眩紛紛墮詒癡余更付一粲人生固有
涯藏身宜豫算豈將學劉伶荷鍤任奴便嗟余七尺軀常

與 二親遠未展色養誠竟貽終天恨松楸五嶺隰鶴山
橫作案墓田本先疇中間有遷變 先公力營購小子深
顧戀迺從塋兆成輒復事遊宦前後廿載餘望雲空目斷
寤思他日歸及泉必相見縱令壤太逼無足爲我難羸葬
楊王孫計土只須片生來本赤子憑作懷中看此志誓不
移兒曹聞已慣遲疑還有年卜吉幸一旦定域神道南神
靈得垂盼畚役俄告竣廣輪咫尺有半語余喜欲狂在天許
謀面自茲邱隴中如在庭闈畔萬劫無分離晨昏不少閒
卽今年七旬處世憂喪亂何當一醉卒亟慰相從願

少白山崩

中嶽有少室西嶽有少華海東少白配太白欲抗二嶽不
相下當空垂翼天池鵬長空精氣交環縵吾目未足攝峭
嶠吾耳何緣驚萃崩傳聞一夕風雷吼霧雨挾山亂奔走
巨靈蹠遠難爲高愚公瞻前忽在後太古巖局牢結構此
中積壤幾曾朽史占沙鹿堪明徵毋乃明州有大咎要令
元氣常調和默爲蒼生籲神后

西郊吳公塘二十餘里俱爲水淹沒從來所未有也
年來異事無不有秋漲江程接牛斗西郊廿里吳公塘如
夜壑舟負而走驛前無地容驂駢人家水痕皆半扉我來
送客上官舫鷁首直傍檐牙飛城鄉高下石平

石刻平字
碑爲吳丞

相所定準七百餘年地爲軫倏翻坤軸墮前功丞相在天
之水則切悲憫天道窮剝須扶陽橫流滄海誰能當悠悠我里已
孔痲還恐普天無津梁用杜句

浙西

浙西患剽掠盜藪今五湖遐想鴟夷子千金獨無虞時方
隱姓名豈敢結當途伊誰與扞擐曾莫陵羈孤古今一天
地寬窄乃迴殊安得生彼時同作煙波徒

寄恩兒時聞其調任開州

軍都關外烏桓道十載邊垆繫懷抱綰符年少非邊才竭
蹙何能酬上考畿甸縱橫四大州直隸以開磁灤
蔚爲四大州輔雄緊

赤開其尤量移忽漫膺右職聞喜彌增頭白憂滑臺自古
一都會南朔交爭歷五代檀司空足號長城魏佛狸還乘
厄塞浸淫唐季羅羣雄六州河北常交訐趙宋元臣猶孔
棘澶州孤注難爲功只今承平外患弭巖疆莽伏時時起
亭障鳴桴徹遠郊我昨在東已駭耳男兒生命墮風塵盤
錯交加敢息勤旣無瀟灑江湖志須策艱危保障勦

爲夢漁葉壻

元封

題秋雨臥病圖冊

葉郎生少乖情緣五角六張殊可憐天女曇花已縹渺
余女受聘有年矣維摩劇病還纏綿閨中新婦紅顏慘十年
將出關而奄逝妝鏡何曾攬侍藥惟甘荼蓼嘗依牀并謝糟糠啖無冬無

夏總秋情況值空階滴雨聲郎似水中漂落絮妾從風裏

把懸旌

夢漁遊疾時姚宜人入門未久即晝夜扶持屢廢寢食緣所患甚奇非長坐榻旁把其手覺神魂貼

貼墮也

悽酸黃葉青燈句永夜含顰竟誰語命教如此比肩

生魂直相將攜手去憑仗精誠感佛慈白衣同拜夢圓時

聞其夢普門大士得生

遂令一滴淨瓶水長活千春連理枝情深畢

竟緣難訖人天一例成靈匹

昨歲迎長女極歸殯杜舉生壙左近以待他時合葬今又

爲作粟主祔於祖蓋夢漁病起即與姚定此議也

嬌對唐兒夙世求香肌荀令前

生熨我來識面敬仙姝鴛譜新聞攬此圖今日丹青筆底

有古來貞順傳中無

按劉向列女傳第四卷爲貞順傳皆精專謹慎以事其夫者

聽鵬曲題無錫錢某照

江南春在濛濛雨飛過黃鸝一聲語黃鸝便作緩聲歌翠
柳也成垂手舞今朝柳下緒風清賺得先生立曉晴倚樹
卻當詩思發黃鸝不語聽吟聲

爲楊濬川署觀察

鉅源

題南海揚帆圖照

清江特起古丈夫道義洲海涵羣儒許身稷契良非誣時
清濟物舟楫需牙繡來潯東瀛隅奉

帝威靈蛟鯢驅礮臺防海惟永圖龍驤萬斛運洋趨信腳
踏破鯨浪羸直抵白衣仙人都神閒意暇精誠輪辦香默
祝金輪扶流觀島國皆吾區市舶鱗萃躡且娛宣風不慮
殊方殊還借說法開羣愚華夷能輯福慧俱慈雲法雨長

沾濡悟者悲涕交感吁請看自後狼煙無君聞一笑吾歸
乎勝景十二憑追慕君命工繪得普陀十二景祥飈送帆迴須臾郡城
民氣方昭蘇清香畫戟臨康衢冬日已覺春陽敷此邦會
涉意外虞胡昔搶攘今恬愉佛地位中人在夫

和徐信軒郡守敬過曹江詩韻

飛蓋臨錦川岸草夏猶綠巖壑動吟興終朝看不足舜江
倏前橫練影畫山腹此時謝傳情微訝高浪蹙江介風聲
淅訛言竦邦牧距海二百里往往致聽瀆詎知我使君典
守稟龜玉潢池一相聞寢食倣莽伏讀詩志已見下車治
堪卜政理在誠求雅不尙馳逐定識君能持虛懷況若谷

我鏡消物煙豪猾難逞欲高詠誰當酬願陳下里曲從容
整紀綱似遲乃逾速

恭接 封翰林誥軸

五十年前企東觀三山船近風吹散俄叨著作承明庭玉
署頭銜終莫換五十年後待死身銀黃回首已成塵忽膺
天上覃恩詔何異地下修文人 聖朝錫類恩重賚清職
無嫌小加大臺卿銜尾綴條冰償得儒生讀書債平生所
歷非麤官但恨文章報 國難枋任漸隆藉經濟功業未
立成衰殘翰林風月宜散髻才盡無由富清製何況吟弄
非其時頻歲潛蹤盜賊際璽書儻用爲丹青頭白尙願趨

朝廷封君之榮非意想盛典曷酬餘涕零
誥軸來香案
實修書勛子異日襄太平勿忘乃父早歲青雲志

小病後埽墓未得上潘輿詩誌悲悵

年年埽墓身輕便

平聲

腰腳仗一朝覺衰病遽爾盡泉壤心

怯磴蘚澹扶筇久不上丙舍接棠梨可能通脰蠻白雲對
面興雪涕默瞻仰

代家書三十六韻寄恩兒

去秋江上寒潮生阿堇奉母賦北征至今南北音信阻經

歲盼望心怵怵夏五人傳邸報至岡孫受任良非輕

四月補缺

鳳城迤北接海淀菲離錯處皆莊氓況值時危竄盜賊兼

今由華堂詩錄補卷三

六

渠年少堪憂驚我家仕已曠六世汝祖志但守一經悔

我服官棄田里致汝藉廕貪簪纓書香幸逮岡與翺同胞

同試同在黌儘堪讀書送我老奚復圖宦與世爭翺也前

膺司訓去扁棹尙易來江城

遇試事必至郡

岡也今爲職守繫棧

車那得離帝京料當汝婦抵京日暫使闔署騰歡聲其

如長安居不易達官邇日飢寒并風塵賤吏倍竭蹶禁

禦重地增屏營三千里常擾我夢十二時總牽我情想汝

亦當恨失計思安巖穴拋功名雖然我今且安託爲巖穴

計殊難成瀕海盜艘恣鯨跋近郊賊砦紛狐鳴城居聞警

月數四家屬避地時變更諸弟年來半分散野處總苦蝸

廬盈一家有廬百家賃早聞賃徧無餘贏深山窮谷絕人

處獨往又患豺狼獠身閑一室止槁木心忪四海搖懸旌

自汝仲弟乞假返日主局務紛將迎

官中設局邀鄉紳勸各殷戶捐餉歸

來對我僅片刻愁緒告我同纏縈側聞官郵多惡耗東南

直北聯甲兵朝朝暮暮積歎恨餘生迺遭世網攫在昔乾

嘉全盛際習見有位夸尊榮命衰求進徒盡瘁讒勝亟退

猶餘醒天子我壽蕃我嗣敢恤茹荼隨漂萍詎料紀綱一

反覆竟令巢窟同敲傾側身頓覺天地窄拭目那俟煙塵

清直緣生世合罹阨非獨仕路難逢亨汝身在外幾廿載

分明牴觸易象呈寰中未可冀完聚域外儻得安孤惲治

▲今白華堂詩錄補卷三 六

中邀選若在卽請辦阜帽遼東行

題卞雅堂觀察斌遺照

我初識君於武林後君晤我於燕市眾中獨憐君太瘦知
爲劬書歎勞止宦轍分歧各天末萍蹤偶聚江頭水憔悴
清容益可驚簿書苦視芸窗倍自是相違四十年亦聞解
組歸田里茗溪落月照顏色忽墜晨星嗟已矣傳來小影
索我題山字吟肩認應似開圖不覺心茫然傳神逼肖容
非是晬然道貌竟頤蓄心廣真能胖其體戰勝而肥詎不
然味道含經宜致此圖中點綴無長物舊習丹鉛尙盈几
髣髴坐擁皋比時經說紛紛牖多士君之治經有神解不

特遺文費鉤錙所以一出爲名臣綜稽往往得條理卽今
治譜藏晏楹過庭奚啻傳詩禮行見通經足致用稽古之
榮到孫子

秋穫歎

天欲芟蒸黎胡爲降康年天欲靖寇盜胡不生英賢人才
經亂出今茲殊未然邪孽雖陸梁蠹螟蟣蝻耳掠郡畛聚
殲一掃直釜底誰道王師行難爲時雨洗西南已塗炭東
北復瘡痍時聞江南股匪由山東北竄列城雞狗盡鼠雀亦無幾絕地
困守艱愚賊更安恃今歲天下稔秋禾被黃雲軍需卽孔
棘農戶輸糧勤飽騰資士馬減賊奚足云鐵甲雲霧積安

危仗諸君吁嗟乎環寇大營紛建旄 主恩多軍令少諸

君不畏詩人譏官軍賊軍相待老

香山句

六月十八日城中猝遭洋礮避往西陸

誰使蠻與獮雜處徧吾土戎生眉睫間青天駭雷鼓飛礮

穿郊闔拓彈碎庭宇一城亂鳥雀四竄避豺虎我家經七

遷倉卒更何主兒曹幸早計僦居向蟄戶

西陸茅屋數間乃會兒所豫賃

者老子得寄生午飯亟爲吐川程趁夕陽性命一枝櫓

今白華堂詩錄補卷四

近體詩

題邵雙橋銓部

洪夔州草閣圖卷
閣爲杜少陵故居

山樓粉堞隱巉巖下有衡茅枕碧灣人去雲煙寒薜荔猿

啼風雨落松杉當時巴國連征戍此日荆門下客帆萬古

詩壇憑駐節使君秋興亦難芟

時先生視學川中按部過此

詠並頭蓮

風清月曉兩心傾分被鴛鴦妒此生寤寐澤陂應對語因
緣香界有前盟五湖少伯舟中影七夕長生殿裏情折向
秋閨思寄遠卻愁夢隔水雲程

月湖書院課畢會飲

胡牀斜倚尙吟哦
酒入枯腸引睡魔
萬事不堪醒後憶
三春又向夢中過
池邊人散鳥聲亂
衣上月明花影多
狂笑出門看翠堵

天封塔

一枝文筆盪湖波

送胡大絜雲

成鵬

北上

落落丈夫志悠悠
弱冠年羨君投筆去
笑我挾書眠日黯
樂公社

作別在郡廟前

風揚祖逖鞭何當
憑尺木同上

九重天

題唐六如畫

鳴邊笠影出花叢
牛背悠揚一笛風
凝望平郊接天遠
春燕綠襯晚霞紅

入泮誌感

名場吾已怯難博是青衿寒地兩行淚 高堂十載心蟻

伸求自昔驚蹇策從今千古中郎感能知嚶下音去歲蒙學使寶

公激賞以文有類字未便錄取於卷中批示仍列爲備卷第一今之入泮大半因此

西園庵訪友

躡翠過略約曲垣依礪流茅庵有詩客坐擁一林秋夕梵
竹閒度暝煙松際淨招要步新月還共上漁舟

四明九題詩

石窗

萬峯列窗眼一石鎮山心石豈媧皇鍊窗應玉女臨海天

通咫尺日月見升沈欲識四明勝仙家戶牖深

過雲

廿里無昏曉行雲共往還泉喧知近瀨煙渺失羣山元氣
氤氲裏吟情淡客閒碧城何處問卽此隔人寰

雲南

雲南開石壁丹礫映晴湖芳草四時有清霜九月無蠻花
多未識越鳥自相呼古聚人家小疑懸市上壺

雲北

遊客出雲背方知雲北程三巖星下暗二竇雪中明晝豁
金庭路秋淒石戶晴攜柑應笑我終歲不聞鶯

鹿亭

細草路茸茸林深見鹿蹤孤亭巖下出高士史中逢意較
放麕厚情應騎鶴慵金芝銜不盡采采此攜筇

樊榭

神仙攜眷屬冉冉去塵寰巖月留妝鏡谿流戛佩環靈篇
終古在羽節幾時還故榭松蘿翠雲英記共攀

潺湲洞

萬古潺湲響陰風激浪花濺來松竹滿飛出薜蘿斜白練
飄晴雪青琴鼓落霞夜來乘月弄洞口幾仙家

青櫺子

仙果石同堅環岡顚顚圓枝垂猿喜拾子落鳥驚眠細味
成丹液深攢想碧煙曾聞竹洲老餉客散瓊筵

鞠侯

自喜封侯貴憑他笑楚人煙霞清俸薄橡栗野餐珍升木
臨臺迴攀蘿結綬新四明八百里湯沐徧行春

哭在楨從弟

從弟吾終鮮同胞視不殊互憐行踽踽爲誌泣呱呱

弟襁褓失

悽學苦長拈筆家貧早茹荼何因甫成立憔悴向泉途

猶憶聯牀夜秋燈話苦辛廢書空卒業彈鋏尙依人家室

幾時定

尙未訂姻

闔闔今日親同財追古義此志竟難申

一慟祖庭下孫枝影子然外宗皆隔膜世父已華顛競爽
看他氏承祧計晚年詒謀當裕後單緒望天憐

哭亡室陸孺人

處室零丁失所依

孺人早失怙恃

尊嫜何奈趣于歸齊牢嗟我

難同案

迎娶時余方病未能成禮

侍藥憐君強入幃五夜無心調雁柱

七年有淚灑牛衣空牀夢覺遺音在軋軋常鳴佐讀機

璋瓦成空淚未乾

庚戌十月舉一子王子三月舉一女皆不育

左家嬌女當珠

看

祥女生於癸丑四月今三歲矣

卻緣圻副生菑易早識膏肓欲療難泣

向懷中成預訣愁聽

堂上付長歎那知小別難重見一

夕香銷委露蘭

九月二十三日鄉人有急事來約孺人自料當無猝變促赴之次日歸遂不得見矣

題孫蘭皋太學澤帶月荷鋤圖

月華一磴素煙流
恰送長鏡下嶺頭
人意靜憐香草遠
泉聲冷帶暮山秋
不知仙闕今何夕
曾向天台夢此遊
我有種梅圖要補
清光漫許盡情收

筍

龍孫頭角見籬樊
昨夜驚雷第幾番
亂坼苔痕爭野徑
斜穿石罅過鄰園
充廚漫待朱櫻熟
持呪先禁綠籜翻
憑約渭川饒太守
一簪春雨好開軒

蕉

亭亭高節海山厓
屈向行廚百挺排
偏是庶生名易好
大

都漸入境方佳憐他茶蓼根因別著爾鹽梅臭味諧不待
寒漿消內熱杜陵春雨逗詩懷

擬失鶴詩

那無情緒伴瑤琴月下簫聲費夢尋春草一庭仙子迹秋
風萬里主人心經時遼海音書隔來歲梅花別恨深縱入
九宵長得侶也應回首舊雲岑

阮芸臺師招入武林學院署下榻定香亭

龍門高築著書臺特許侯芭問字來幕下有花憐相府座
中無客不仙才鏡心朗映迴瀾水屐齒香黏稱意苔誰識
夜涼人靜後影橋獨鶴正徘徊

窗外紅欄繞曲阿六時香界一池荷秋無障礙天容闊地
占清華月氣多翠竹碧梧供徙倚吉金樂石費摩挲他年
客況從頭憶如此園亭幾度過

題張子白進士

若采畫眉圖

難憑周昉貌嬋娟卻扇風懷對香筵誰道春山飛一騎早
傳消息到眉邊

子白述婚沈氏芸臺師屬周采巖寫此幀作賀半日內郵致德清正香筵初肆也

千秋眉嫵張京兆應羨紅蘭館裏人細碾春螺繡十樣恩
慙那似早朝身

花纔四照柳雙垂忙殺春風筆一枝欲倩金衣遲喚夢捲
簾心事碧雲知

錦字無端紀此行

幀末有紅蘭主人錄別小字一行

蛾眉傳恨怕分明

中新月天涯見後夜應知畫裏情

徐氏遼川書舍小集

經年書劍滯江關
粉社風流夢亦慳
乍趁鷗盟消客話
卻看鶴髮愧塵顏
座酣白日烏程酒
庭畫青春馬遠山
此後賞花應取次
萍蹤我又幾時還

敬述 庭訓爲詩六章

花月新聞鬪冶春
江湖流派幾傳人
學詩 庭訓今宵記

莫爲才華損性真

青袍幕府計非疏
淥水紅蓮照讀書
學果成時歸亦好
莫

彈長鉞爲思魚

要識詩書氣最華幅巾當日重吾家

余家四十年前董次歐史雪汀兩先生以

先祖及先叔祖師友時時見過門望爲之增重

心香一瓣扶風帳莫但秋風豔

榜花

英流多少誤風塵苜蓿儒齋亦養親苦行祇須參小乘

時有

目余爲苦行僧者

莫修人世宰官身

含香畫省曾推謝

于道

衣繡霜臺更溯羅

映奎

萬一追蹤鄉老

輩莫隨時世學姸嬰

話到春城卸客裝湖山花柳正飛揚燈前更賜一杯酒莫

把他鄉作醉鄉

寄贈方湛厓上舍溥卽題其春隄試馬圖照

雲程萬里卽燈前抵掌英雄夜廢眠笑我書生無遠志逢
君幕府有深緣一襟清浣桐江月雙屐高凌雁宕煙更向
畫圖看試馬中原會著祖生鞭

西園雜詠

萬綠藏紅亭不覩雲霞色暗水何處香一方君子國定香亭

兀坐忘梵音澄懷契今古破寂虛廊閒氈帷響十鼓響榻廊

時芸臺師以天一閣所藏南宋石鼓文揭本屬海鹽張芑堂雙鉤付石工吳厚生鐫石日事摹搨

蓮幕如僧寮斜局長日靜夜夜到吟邊星星漏燈影疏寮

阮帷對小堂陶籬傍幽闕秋花淡無言不嫌蟲語聒短籬

一橋作三折中流羣影屬我欲鑒鬢眉往來頻駐足

影橋

石室低牆隅古香函祕牒

舊藏書版於此

角仙長守關閒眠藉紅

葉石室

綠篠媚清漣畫疆成別院江南名士多刻竹題詩徧

竹院時

在幕者錢可廬徵君張子白進士何文伯孝廉江補僧明經方湛厓陸祁生季廉夫三上舍程竹厂蔣蔣山雨太學皆江南人也

蔬圃餘荒叢摧薪我所患忽參無隱禪桂藥昨宵綻

桂圃

渡江後作

金花榜子足魂銷

西興渡口見報子船多赴吾郡者南宋時吾郡科名鼎盛得傳之家以鈴索報

鄰里往往鈴聲相接俗諺謂之金花榜子見志乘

獨客江程分外遙一別故人疏

似雨九秋落木急於潮

半渡微雨俄報潮至亟登岸肩輿行樹林中

虛拋壯志

中年恨重累

親顏此日凋再踏省門緣底事依依絳節

近還

朝

入省見全錄知余被放則此行專爲送芸臺師矣

出北關門

關外卽天涯牙檣兩岸排秋風生遠水落葉滿荒街辛苦

明經第倉皇計吏偕征鴻正南去霜夜感

親懷

五人墓

萬花園石碣過客盡回頭

墓在虎邱山塘花市中

地下五人骨香蒸

九月秋要離同尺土委鬼失荒邱

魏忠賢衣冠葬玉泉山碧雲寺康熙中張御史

瑗奏

吏部琴城遠

謂周忠介公墓

棠梨好在不

京口問渡

鐵甕城邊起夕陰三山木葉正蕭森
潮來白下秋聲壯天入東陽海氣深
楚蜀帆檣奔馬過金焦風雨蟄龍吟
憑誰更問南朝事浩浩江流自古今

紅橋秋泛歷平山堂倚虹園諸勝

江湖名士盡蕪城聯舫紅橋半雨晴
道服仙巾圖雅集蜀岡邛水映詩情
欄前疏樹雲千里酒罷西風笛一聲
記取阮亭來往地秋堂薦鮪菊花清

燕昭王求仙臺遺址

瑤臺自古渺雲煙虛說秦皇漢武前
鍊得黃金酬駿骨求

仙或是爲求賢

正月三日作四首

昨夜寒消竹葉杯衣冠晨出
禁城隈天街喜報辛祈近

會見 鑾輿動地來

曼纓俄摘令驚傳九陌春光盡黯然無分攀髯一灑淚遙

瞻 龍馭大羅天

歸來柳巷暮鴉啼投足重門路欲迷案吏兩三方聚泣一

庭縞素夜淒淒

是夕南書房諸
公同過芸臺師寓

談到

堯天感不禁何人酬得

帝恩深寰中百日臣民髮史上六旬宵旰心

春仲偶作

無人深院覓芳叢閒殺鶯聲細雨中桃李自開梅自落一
般披拂是春風

看寓邸新竹示及門阮梅叔

亭小雲常生

竹林大小阮與竹舊相知三徑寓廬闢百竿侵曉移分行
恰左右動影妙參差指向筍班道虛心亦我師
漫訝朱門裏翻如綠水湄此君能自立何地不相宜灑落
平生槩檀欒異日姿會看新結實還療鳳凰飢

和芸臺師山東試院四照蓮詩

康樂芙蓉別樣誇中流面面舞紅霞粉廊羣士光輝借四
照樓前四照花

乍看澄碧四難并

秦少游澄碧軒詩云風流公子四難并

一藥三心數更明

一枝四藥每藥皆三心

莫是四時十二月花神會合在蓉城

濟南花動廣陵思金帶圍曾兆四枝此日一枝能具美花
名相府更何疑

小紅亭影水中央

謂浙署定香亭

還憶茲花自在香花底至今煙

月好應眠七十二鴛鴦

本科館選諸君來謁芸臺師者皆枉過寓齋詩以誌

愧並似姚秋農修撰

文田

張皋聞

惠言

鮑覺生

桂星

湯敦甫

金劍

吳荷屋

榮光

陸心蘭

言 五太史

二雅材方動

九重欣覘退直自鼇峯玉堂翰灑青霞燦

竹屋茶煎綠雪濃早歲聲名慙一鶚

盛時遭際慶羣龍

君苗筆硯焚須亟馬鄭班揚次第逢

接讀 家大人手諭

失馬心知不可求

指考教習事

慰詞三復涕交流家居一樣安

貧賤何事違 親賦遠遊

手諭引歐陽太夫人語吾家故貧賤云云

瓶笙

金罇檀板乍消停忽引清思入杳冥石鼎漫嗤蚯蚓竅瓊簫好接鳳凰翎聽來水樂風懷淡炙到銀簧火色青無限

宮商起詩案先生那得口如瓶

祖帳松風逗玉笙一甌吹落碧雲輕夢餘赤壁簫聲咽思
入瓊樓水調清經卷未能拋陸羽篝爐端合侍雙成此行
日汲西湖淥洗盡箏琶耳倍明

太學十詠

周宣石鼓

貞石百靈呵千秋不可磨明堂下鸞鳳右輔尾蛟鼉王迹
中興在遺文小雅多還如升十日照耀古山河

元代老槐

槐市青雲路空庭餘古香春風三百載吹雪滿天黃

聞自
中明

以後不花意有時倦人情如昔忙綠街多後輩煙翠自成
復作花行

輦路月明

高樹落秋寒疏香絳幄殘一輪雕輦月流照下亭端白石
空於水紅牆冷過欄清聲來竹柏記否聽鳴鑾

柏庭翠蔭

老綠藏書屋廊腰積翠分蔭將湖海士都作鳳鸞羣香葉
蒸秋雨蒼煙化晚雲參天二千尺落子隔牆聞

橋門積雪

不知檐外雪昨夜幾時來開館迎初日環橋擁落梅樹高

寒鵲墜岸靜斷冰迴照我聰明淨堆山傍水隈

石井清泉

長日輾轡聲梧窗碧登橫茶煙沈暗水石鏡洞秋晴苔上
汲痕古欄邊詩意清相看憶衡泌瓢飲慰余情

兩序書聲

清響振遙林疏簾碧草深東西名士屋風雨故人心階靜
鶴潛聽庭空蟬欲吟涼宵金燼細餘韻入瑤琴

六堂燈火

微風吹夜色窗紙一齊明頓憶三條燭難拋二尺檠聯牀
多上舍鑿壁少寒生膏火君恩重精勤敢爲名

長廊步雨

細雨雜煙下新涼到鶴關
叢蕉窗外路昏樹畫中山
空響庭心遠幽人屐齒閒
晚來檐溜斷叉手送雲還

射圃歸鴉

仰面落鴉陣翩翩射耦歸
影邊斜照沒聲外暮雲飛
遠樹連蒼靄清鐘出翠微
江南烏夜曲村徑想依稀

西涯詩和梧門先生

煙波漁子宅淡與湖光連
湖雲落漁網湖月上漁船
海子哦詩向螺髻古佛亦
低首山缺鶴未歸西窗人
待久山西鳬雛喧間邊石根苔
綠滿連日息秋濤水落人
影短響關

塔鈴一聲語佛花落古藤對竹偶成句林外來詩僧慈恩寺

去來日飲馬馬得谿翁憐橫鞭夕陽岸閒坐數苔錢飲馬池

芙蓉何處香柳路青一線簾捲柳枝上樓影落遠岸楊柳灣

鐘漏響雲外滿城燈影稀月明寒犬吠潭上有人歸鐘鼓樓

人靜桔槔懸谿煙漲樹邊水香白鷗醒傍我立花田桔槔亭

隔林香晚炊茅舍秋糧足牧童自拾穗牛羊歸路熟稻田

空香淡水天西塘月來早折花供詩佛共花無煩惱蓮池

香泥雪後斲不聞鴉鋤聲籬角有餘地春草隨意生菜園

花氣入霞閒幢影出波底松風自開門鶴夢渡湖水廣福觀

懷趙蘭生孝廉蕙菜在武林

梧竹陰中晝閉門，青春白日總銷魂。
心孤避俗愁無計，才薄依人怕受恩。
落葉歸空千卷少，餘香坐罷一甌溫。
誤他西麗坊前月，空照漁船向水村。

蘭生秀水人
居西麗坊

新正病起獨坐無聊，胡絮雲見訪，卽招赴甯波會館。
隔歲家書未可期，空堂臥病益愁悽。
新鶯一院春風早，陳客三年落日低。
夢醒誰教嘗綠酒，飢來自起噉黃齋。

醫者謂須

忌飲食庖人
遂悉勿進

虛窗忽聽磬音好，合共城南趁馬蹄。

幽居

幽居閱春晚，莎岸秀煙光。
胡蝶不到處，野花空自香。
斷雲帶樵斧，淺水通漁榔。
徙倚憺將夕，佳人隔遠方。

寄贈董丹客千戶丈

時芸臺師方勦賊海上
余意勸其出而相助

禪榻茶煙老此翁誰知結髮事從戎
韜鈴越甲三千外著述虞初九百中
不累浮名原福慧能全本色卽英雄
卻聞道力衰年退夢裏應乘破浪風

簡吳澹川明經

文溥

齊州吟徧又秦州一席戎帷當選樓
客路幾重大瀛海故人強半老諸侯掀髯
風起魚龍夜決背雲開雕鶚秋好譜
西邊破軍樂入關聽唱大刀頭

集多饒峯師寓齋贈陳石士

用光

彭寶臣

浚

兩同門

感恩知己話喁喁撰杖時還戀座隅
更對江湖兩名士如

披彭蠡岳陽圖

陳江西人
彭湖南人

留別及門趙伯期榮

伴到離筵感百端當時親見著儒冠幽蘭獨契琴心古小

鳳生憐竹影寒世上歧途原足慟年來長缺未曾彈一廬

那許藏人海

齋名藏海廬

月上梅開夢已闌

齋中懸劉石庵相國書梅開月上詩

成六
字額

贈徐秋池明經肇松

幕下青萍已斂鋒五千文字尙填胸霜晨側帽華顛冷月

午鳴箏淥酒濃自覺莊周身是蝶世稱方朔道猶龍相逢

獨惜才人老詞賦憑誰達九重

題徐薜堂司馬

聯奎

行臺坐月圖

蟾宮別院寄閒身金粟階除屐印新十日香風花世界一
天清露月精神隔牆遙聽霓裳曲早歲同爲席帽人試倩
吳剛談舊事斧柯知歷幾千春

客夜

又送今朝去將如後日何青雲閒客少白髮棄才多伏枕
雞聲遠吹燈駒影過請纓勞夢寐關塞正提戈

元夜泊太平橋有感

江城夢斷鳳城遙絲竹聲中候晚潮滿眼衣冠太平日
一方花月可憐宵買燈吳越財原富傳箭崑崙虜尙驕

聖主籌戎還問夜五谿金甲幾時銷

鶴浦訪鄭簡香徵士勳留贈一律

大科鄭重意何如家近名山自著書半郭半村蝦菜市一
樓一閣水雲居清時人物扶輪早干祿文章側席虛
經術辦香三策在鷓鴣詩好總刪除

山陰志書局晤朱滄湄員外文翰

玉樣溫醇冰樣清新安山水有先生縱非一第魁天下經
術詞章孰敢爭

萬壑千巖埽筆成班香范豔我尤驚當時儀鄭堂前客那

爲韓康別舅甥

君爲孔栗軒
太史之甥

范松厓徐雲庵兩副將軍偕集胡綺茗都閫于鉉衡

齋因各贈一首

坐鎮江淮憶令公三山旗影入雲中雅歌才調南樓盛長
嘯軍聲北府雄笳鼓金城寒夜月琴書玉帳緩春風退閒
擬作逍遙汪後樂心情小范同松厓

馬稍曾誇第一流更揮樓艦下滄洲營開細柳潼關曉弓

挂搏桑瀚海秋偏是通才能好武不緣奇骨亦封侯丹青

會看淩煙筆褻鄂衣冠在上頭

雲庵時囑題照故末句及之

牙旗影裏聚岑苔手把弓衣醉眼開竟有詩人能殺賊斷

無名將不憐才

及門張生慧爲君所契

座中劍氣雙龍合

兼指令弟鐵薊天

外潮聲萬馬來落日停罇齊舉首拂雲大樹倚空栽

綺茗

東孫守荃明經

蔚

一門冰玉競清姿

謂令弟紫滄蘭皋企周

日下才名感昔時老淚燈

前絲竹內閒心筆底畫書詩草堂偶爲棲雲闢鶴料多緣
宴客支知否尊鱸動歸興食單憑檢早秋時

東高惺泉茂才

日濬

三疊前韻索和

銀河瀉影落秋杯還憶攜筇百尺臺庭院漏沈官燭炮江
天風定寺鐘來寒鴉旅客眠俱穩詩境霜林掃並開要乞
青邱好詞句買絲繡作錦文回

別諸同人四疊前韻

正把新篇正舉杯一聲風笛起樓臺庭前秋色垂垂老月
下鄉心得得來書到故園叢菊放帆移隔岸暮雲開霓裳
高詠羣仙在此別鈞天夢幾回

題第一樓圖卷

想見蓬巒接履趨一樓高擁一山孤寫經窗靜東西屋得

月波明裏外湖句曲三層應有我岳陽四絕可無圖芙蓉

送客重回首試證冰心向玉壺

曩芸臺師將去學使任試
優生以芙蓉樓送客命題

元龍湖海想前身

時陳恭甫太
史主講席

孫位毫端見逼真

圖爲孫
與人茂

才所

山水規摹成學府雲煙供養到經神

樓中祀後
鄭栗主

一壇

杏樹浮初日半嶺梅花感早春修鳳才華歸品藻題詩總

是畫中人

西興旅次爲風雨所阻經宿未得放船五疊前韻

江頭纔覆阮公杯寒雨飛空下嘯臺

昨芸臺師命小雲錢送遇雨歸夢到

離筵醒復醉愁如潮水去還來更聞東海秋風起難得西

陵曉霧開

有作風潮之意

屈指故鄉重九近

高堂時盼遠人回

九月三日訪仇墨園七疊前韻

仇池

墨園所居菱池同人戲以仇池目之

曾把餞春杯夢繞菱歌傍釣臺君

讀離騷方痛飲我彈長鋏復歸來望雲心事當秋冷落日

詩壇照水開

門側爲尊人影堂舊時吟館也

最是可憐今夜月香山七字

共低回

湯眉厓太學衡留飲柬令兄雪垠學博桓並似徐燮

園明府八疊前韻

臥龍山下憶傳杯
荆樹庭前問翠臺
填戶市聲中隱慣
充廚香味老饕來
砌蛩留客含情語
瓶菊催詩努力開
後日哲兄如見待
還從徐邈醉千回

九日劉仙友別駕種桃王師竹廣文日升同見過九

疊前韻

黃菊時光卯飲杯
閒雲祇合傍書臺
應官怯似題餽去同官
趣賀節道署仙友
贈什賢於送酒來師竹貽
逡巡良久卒不行和韻詩
一席互通鄉語熟
百年幾共笑顏開
不妨更學侏儒飽
昨日東方索米

回

丁小山年丈杰談階平院長泰繼至十疊前韻

迎門一笑便呼杯徑落烏紗上月臺爽節漫從經籍溯山小

文謂重陽非出經典清言都自性情來蠻箋黏壁吟懷逗醺膾登盤

醉眼開更約幔亭簫鼓夜倚酣同聽紫雲回後夜門前以社事演劇

席閒得及門王博之溥仁書走筆答之十一疊前韻

天涯同醉菊花杯料爲登高賦十臺前月齋中課題擬元人十臺詩博之以將

返松江屬稿未就三泖煙波魚唱合一江風雨雁書來無田爾免

催租鬧好事人先坼卷開附來吳淞吟社詩一卷緘封已坼浮白頓教傾

此席殘更盡倒接羅回

西郭范氏觀秋荷晚趁漁舟歸有作示趙眉叔明經
存洵
十二疊前韻

秋深還薦碧簫杯軒檻凌波似鏡臺水郭菱荷三面繞翰
林風月百年來鷺邊斜照漁翁立虹際歸橈翠浪開聽說
名郎誰得似黃梅詞句賀方回

舟中有人言眉叔令郎纔
十歲以梅兩詩見賞學使

者

贈金谷亭明經

渭

何來訟牒善人居

里中有金
善人之稱

家事傷心犢破車因果肯持

無鬼論炎涼不作絕交書經臺人散猶齋鴿水郭田荒且
種魚漫爲陶嬰悲節烈門風足愧賈充閭

題守荃朱履小照十七疊前韻

曳履追從洛社杯
春痕踏徧好池臺
三千賓客支筇想
五十功名脫屣來
句漏丹砂心事共
圯橋黃石畫圖開
傍花隨柳渾年少
只待朱顏鏡裏回

答墨園結鄰之約十八疊前韻

連朝呼我盡餘杯
寄迹聊同避債臺
王粲登樓他日感
梁鴻賃廡幾時來
胸中廣廈人須庇
眼底朱門鎖不開
世事茫茫難自料
做廬取次又春回

明春須北上

歲暮閩風軒卽事

數椽沙步上寂坐
抵清遊殘雪白檀
里遠煙芳草洲單
門

今七世老筆或千秋齋前門榜卽聞風三字袁眉少先生爲會大父碧社公題擬鉤櫛上石
歲事忽相逼呼僮典敝裘

二月八日白華堂夜坐是日乃先君諱辰距辛酉
已三週矣追憶星奔何堪回首皋魚之痛以血淚寫
之補錄五首

記得親裁識字箋已拌心力向髫年塾中課少歸常補膝
下丁稀望倍專病起檢書禁小說睡餘徵典數前賢癡頑
追恨童遊日那識生成賴昊天

縱感扶輪悔着鞭白華堂額竟虛懸堂額爲丁巳科試後芸臺師書贈以示獎
者廟他鄉怕見龍鍾狀旅館愁吟鴉羽篇驀聽喚歸知有變

春闈揭曉日一同鄉來寓告苦思侍疾已無緣當時竹石

余云尊公染恙令傳諭趣歸

近歲嘗命工作竹石圖欲俟余歸乞芸臺師題之

京兆春官兩試催文章福薄易生災人傳衰病皆謎語天
與科名作醅媒戀過秋香霜信重驚回春夢鳥聲哀從今
休說黃金價落魄燕臺萬念灰

遊子何殊棄路旁騎驢南返只彷徨同儕知我已無父
遠道思親猶望鄉轉首顯揚時盡失拊心含斂恨難償
萱堂垂淚詢行止魂斷前塵話渺茫

隱約傳聞怕到家近鄉消息尙疑差占來噩夢心如割憶
得衰顏淚似麻當日便應從地下於今長是隔天涯三年

霜露驚彈指自此無須惜歲華

贈鄒太史鐵秀和鐵梅菴宗伯韻

蒲輪小別鳳山靈金馬門高佇歲星一代文名懸壽域

鄒年

九十嘉慶丙辰舉萬萬壽恩科今年恩賜檢討九重天語問遐齡還丹笑贈

神仙侶史筆閒修道德經見說中朝多大老期君聯步

祝堯廷